

讀醫隨筆卷四目錄

皖南建德周學海澂之甫著

證治類

陰虛注夏陽虛注秋

併陽虛注夏

論嘔噦

論嘔噦

驚躍

表裏俱病治各不同

傷寒邪在陽經則脈浮在陰經則脈沈

少陽三禁辨

蟲脈蟲證

汗病

肺中伏風有專寒夾溫不同

寒溼下受直傷少陰變證多端搜治匪易
史載之論水氣凌心諸脈證

和解法說

與少陽三禁篇參看

血痹瘧母合論

中風有陰虛陽虛兩大綱

虛勞損極有內因外因兩大綱

瘧疾肝體壞外證

富貴貧賤攻補異宜其說有辨

病後調補須兼散氣破血

病在腸胃三焦大氣流行空虛之部與淫溢沾滯

經脈膜絡曲折深隱之部其治不同

身中腹中一股熱氣衝動者有虛實二因

五藏內傷外應見證

論痓不當以剛柔分虛實

黃疸黑疸

注冬

食墳太陰證似結胸似溫毒似陰虛

陰陽不別由於傳派不清

辨陽旺陰生

用藥須使邪有出路

發明欲補先瀉夾瀉於補之義

伏邪皆在膜原

瘀血內熱

勞傷陽虛發熱

末病尤當治本

利小便

利止遺止反爲死證

平肝者舒肝也非伐肝也

風厥瘡癧

附中惡五尸

中風實在上焦虛在下焦

厥逆奔豚腳氣攻心

虛損奇證

斂散升降四治說略

新病兼補久病專攻

慾不可遏法宜疏肝健脾

卷之三

周易

中經

讀醫隨筆卷四

皖南建德周學海濱之甫箸

證治類

陰虛注夏陽虛注秋併陽虛夏

凡人三四月。天氣乍暑。腠理乍開。內氣不勝其散。而爲神昏發熱。體倦不思食之症。謂之注夏。世醫論之多矣。至于七八月閒。暑氣初收。新涼乍來。腠理乍閉。而內氣久經夏汗外洩。其力孱弱。不能自充。多見肺氣下陷。呼吸短促不足之象。繼則連暑氣涼氣溼氣一齊吸受。皮腠之內發爲愧熱惡寒。體重肢倦。飲食無味。口渴不欲飲諸症。此與注夏之病。正相對待。一爲陰虛。天氣乍開。

而力不足於開也。一爲陽虛天氣乍合而力不足于令也。世醫論之者少。惟張石頑醫通勞倦門有之。吾名之以注秋。而錄其文曰。脾胃虛則怠惰嗜臥。四肢不收。時值秋燥令行。溼熱少退。體重節痛。口乾舌燥。飲食無味。不欲食。食不消。大便不調。小便頻數。兼肺病灑淅惡寒慘慘不樂。而色槁不和。乃陽氣不伸故也。升陽益胃湯。又曰。勞役辛苦。腎中陰火沸騰後因脫衣或沐浴歇息。陰涼處所。其陰火不行還歸皮膚腠理極虛無陽。被風與陰涼所遏。以此表虛不任風寒。與外感惡寒相似。其症少氣短促。懶于言語。困弱無力。不可同外感治。補中益氣加柴蘇羌活。甚者加桂枝。最當此條雖不言秋令。

而風與陰涼。非秋氣乎。故乍涼見證。每多如此。後條較前條尤重者。爲涼氣乍至。尤覺有猝不及防之勢也。

又按注夏一病。前人有指爲三四月乍暑之時。卽見此證者。有指爲長夏六月暑溼交蒸之時。而見此證者。竊謂二者當併有之。如乍暑見此證。盛夏未有不加甚者也。盛暑見此證。初夏未有不先兆者也。且病名注夏。本統夏令三月而言。其病由于陰虛。不任疏散。自是夏令之月。無日不然。而其機總發動于初夏。與初秋爲一開一合之對待。故以初夏見證爲當也。但時有初盛。卽病有微甚耳。亦有初夏見證。至盛夏轉精神清爽者。此陽氣不足。經絡伏有寒溼。初時陽力不能伸達。非如陰虛。

者。內氣先已不固。不勝天氣之再散也。其證多見煩惱躁擾。不似注夏之怠惰少氣也。是又注夏之別一證矣。戴元禮以七月初涼見證爲注夏。殊覺名義未協。吾故創注秋之說也。

論嘯

金匱痰飲篇曰。水在肝膽下支滿嘯而痛。徐注曰。肝與少陽膽爲表裏。所以主半表半裏者。水氣乘之。陰寒內束。故少陽氣上出。衝擊而嘯。如傷風然。喻注曰。火氣衝鼻。故嘯也。按內經腎主嘯。故凡太陽傷寒。寒氣深入。隨督入腦爲熱所擊。則嘯矣。太陽與督。卽少陰之部也。其脈皆與腦通。嘯者。寒熱相激。逐於脈中。致脈內作癢癢。

極突出。徐曰寒束。喻曰火衝。其義一也。惟不言肝腎相通。而牽說少陽。殊屬無稽。夫肝水見嚏者。肝寒感於腎也。且嚏之來路有二。因寒束肺竅。熱氣撩於肺中而上沖者。其氣發於胸中。上過上膈之內。而下出於鼻也。因寒束督脈。熱氣激於脊膂而上冲者。其氣起於腰俞。循脊上出腦項之巔。而下出於鼻也。一縷寒邪。孤行氣脈。而不爲正氣所容。故衝擊而出也。本屬微邪。不足爲病。然見有早起必嚏數十次。無閒寒暑。而寒天校甚。婦人妊娠尤爲有礙。此不得爲微邪矣。治法宜仿肝水例。宣達肝與膀胱之陽。與肺氣相接。使水邪下伏宿寒。外攘卽止。

論嘔噦

傷寒論溼病篇。溼家下之早。則噦。此丹田有熱。胸上有寒。又太陽篇。邪高痛下。故使其嘔。小柴胡湯主之。邪者。傷寒之邪也。痛者。熱之所鬱而激也。又云。傷寒胸中有熱。胃中有邪氣。腹中痛。欲嘔吐。黃連湯主之。脈經平嘔。吐噦篇曰。寒氣在上。暖氣在下。二氣相爭。但出不入。其人卽嘔。而不得食。恐怖卽死。寃緩卽瘥。朱丹溪曰。呃逆。有痰閉於上。火起於下。而不得伸。越者大凡人身四維。有寒束之。氣行橫竅之。出入不利。遂從直竅上衝。又或寒壓於上。熱鬱於下。氣上升道狹。不如其常。則升氣沖激。此皆作嘔。噦也。若腸胃秘結。濁氣上蒸。肝腎血熱。火

氣上浮。而無寒遏於上者。不過慍慍欲吐。不至衝激也。
乾嘔與噦。證有輕重。而因無異同。前人剖析太過。轉亂
人意。按右論嘔噦。非論吐也。吐之病。有因寒氣從下上
沖而然者。有因中焦胃熱。肝熱而然者。有因外風
襲胃者。

驚躍

常於欲寐未寐之際。戛然舉身振躍者。世皆謂爲血不
養筋。而實非也。乃津不濡脈之候也。人身氣脈一動。周
身百脈涌應。其中必有津以濡之。故能自然無礙也。若
有一脈竟塞不通。則氣亦竟不至其處。亦遂寂然不動
矣。無如脈終不能不通。氣終不能不至也。脈中津汁耗
燥。一有不濡之處。或畧有痰絲。以格之。則氣之既動而

窒窒而復動。一控送之間而百脈爲之撼躍矣。其動之所發無定處。或起四肢。或起胸中。隨其氣之所觸而起也。此象偶然一見。不足爲病。若欲治之。惟甘涼生津而已。凡小兒寐中多作此象。俗謂骨氣撐長之兆。實卽痰格其氣也。若大人逐日方寐。卽見驚掣。是爲痰盛。是津虛之燥痰也。生津爲主。而祛痰佐之。津盛則痰有所載。而滑利易出也。若血液虧虛。不能養筋者。當見肢節拘急不便。或舉身振振欲擗然。此風熱所傷。與發汗太過。之所致。所謂筋惕肉瞶也。是故心津虛燥之人。往往神明散越。欲寐之際。心中無故驚惕。四肢微有瘓癰。甚至累累不已。令人不能成寐者。其勢雖微。病根反深。若驟

四風熱與過汗者宜甘酸以養之。經謂心苦緩急食酸以收之是也。若久病與無病而然者更宜大劑甘寒酸鹹之藥生津補血以溉之所謂津液相成神乃自生也。人有水飲沖心而發者必辛散淡滲兼滑潤之劑載痰上下分出以滌之此又所謂心中憺憺大動恐如人將之者是心陽爲水邪遏抑而神不自安也。

表裏俱病治各不同

表裏俱病者俱傷於邪也非表邪實裏正虛之謂也邪利者六淫是也試以寒熱明其例。

表裏俱寒者治宜溫中以散寒裏氣壯而外邪可退矣。丁景於身體疼痛下利清穀先溫其裏後攻其表者是

指示大法如此。其實表裏兩感於寒溫裏發表。一時并用。正不必分先後也。

表裏俱熱者。治宜甘寒。佐以辛涼解散。如葉香巖溫熱治法。若陽明府實者。更先以苦寒鹹寒攻下之。如服承氣大便得通。而汗自出是也。二者表裏同氣。故重在裏治其裏。而表亦卽應手而愈矣。卽或表有未盡餘邪。冉畧清其表可也。若先攻其表。不但裏虛。而表不能淨。卽令表淨。而正氣受傷。裏邪又將從何路以驅除之。表熱裏寒者。如其人素屬中寒。而新感風熱。治宜解表而已。如其人內傷生冷。外傷風熱。表裏俱屬新邪。則治宜辛涼疏表之中。佐以芳香理氣。以化內寒。